

行諸苾芻於汝意云何彼所見相以要言之
 即是一切衆生五蘊聚身羯邏藍等父母不
 淨之所出生四大合成虛假色相麤惡劣弱
 積集苦惱畢竟破壞而諸衆生不能覺知於
 晝夜中起諸尋伺而身語業不善施作五障
 煩惱之所覆蔽耽著五欲增長無明生我慢

曲五

二

心於諸聖法疑惑不決忿恚慳嫉念念發起
 不求解脫是故如來應供正等正覺欲令諸
 有智者發精進行修習智慧斷諸煩惱趣證
 聖果汝諸苾芻已盡諸漏證阿羅漢果故說
 如龍

復次諸苾芻過去未來諸佛世尊悲愍利樂

一切衆生欲令斷諸煩惱趣證聖果為諸聲
 聞廣說是義我於今日亦如諸佛乃以此緣
 為汝宣說汝諸苾芻憶念是事當於曠野空
 舍山間樹下巖穴菴室諸寂靜處諦心思惟
 觀察是義無令放逸生退轉心亦復轉為他
 人開示教道普令修習得大利樂

尔時世尊為諸苾芻如是說已而諸苾芻皆
 悉信受

佛說蟻喻經

觀自在菩薩如意輪念誦儀軌一卷

大興善寺三藏沙門大廣智不空奉 詔譯

依灌頂道場經說修陀羅尼法門求速出離
 生死大海應須先入諸佛如來海會灌頂道
 場受灌頂已發歡喜心從師親受念誦法則
 後於淨室山林流水最為上勝建立道場安

曲五

三

置本尊修真言者面向東方應瞿摩夷塗拭
 其地以白檀香磨為香泥以用塗壇或方或
 圓隨意大小而於壇上散諸名華燒香供養
 取二淨器盛滿香水安置壇中以用供養行
 者澡浴或不澡浴悉無障礙但當運心思惟
 觀察一切衆生本性清淨為諸客塵之所覆

蔽不見清淨真如法性為令清淨應當至心
誦此密語真言曰

唵一引娑嚩合婆引嚩忒度引哈

由此真言加持故身口意業悉得清淨然後
五輪著地歸命禮十方一切諸佛諸大菩薩
方廣大乘右膝著地懺悔隨喜勸請發願

歸命十方正等覺 最勝妙法菩薩眾

以身口意清淨業 懇懃合掌恭敬禮

無始輪迴諸有中 身口意業所生罪

如佛菩薩所懺悔 我今陳懺亦如是

我今深發懺喜心 隨喜一切福智眾

諸佛菩薩行願中 金剛三業所生福

緣覺聲聞及有情 所集善根盡隨喜

一切世燈坐道場 覺眼開敷照三有

我今踟跪先勸請 轉於無上妙法輪

所有如來三界主 臨般無餘涅槃者

我皆勸請令久住 不捨悲願救世間

懺悔隨喜勸請福 願我不失菩提心

諸佛菩薩如眾中 常為善友不欺捨

離於八難生無難 宿命住智相嚴身

遠離愚迷具悲智 悉能滿足波羅蜜

富樂豐饒生勝族 眷屬廣多恒熾盛

四無礙辯十自在 六通諸禪悉圓滿

如金剛幢及普賢 願讚迴向亦如是

次對本尊前結加趺坐或半加坐起大慈心

我修此法為一切眾生速證無上正等菩提

先磨諸香以用塗手然後結於佛部三昧耶

陀羅尼印以二手虛心合掌開二頭指屈轉

一中指上節二大指屈轉二頭指下節其印

即成置印當心想於如來三十二相八十種

好相好分明如對目前至心誦真言七遍真

言曰

唵一引怛佗引摩覩引納婆合嚩引也娑嚩合二

引訶二引

由結此印及誦真言故即警覺一切如來悉
當護念加持行者以光明照觸所有罪障皆

得消滅壽命長遠福慧增長佛部聖眾擁護
歡喜生生世世離諸惡趣蓮華化生速證無
上正等菩提

次結蓮華三昧耶印

以二手虚心合掌散開二頭指二中指二無
名指屈如蓮華形置於當心想觀自在菩薩

相好具足誦真言七徧於頂右散真言曰

唵引跋那謨引二合納婆引二合嚩引也娑嚩引二合

訶引二

由結此印及誦真言故即警覺觀自在菩薩
等持蓮華者一切菩薩蓮華部眾悉皆歡喜
加持護念一切菩薩光明照觸所有業障皆

得消滅一切菩薩常為善友

次結金剛部三昧耶印

以左手翻掌向外以右手掌背安左手背用
左右大指小指互相鉤如金剛杵形安置於
當心想金剛藏菩薩誦真言七徧頂上左散
之真言曰

曲五

五

唵引縛日囉引二合納婆引二合嚩引也娑嚩引二合訶引二
由結此印及誦真言故即警覺一切金剛聖
眾加持擁護所有罪障皆悉除滅一切痛苦
終不著身當得金剛堅固之體

次結護身三昧耶印

以二手內相又右押左豎二中指屈二頭指
如鉤形於中指背勿令相著並二大指押無
名指即成印身五處所謂額次右肩次左肩

次心次喉於頂上散各誦真言一徧真言曰

唵引縛日囉引二合嚩引也娑嚩引二合訶引二

由結此印及誦真言加持故即成被金剛甲

引也娑嚩引二合訶引二

胄所有毗那夜迦及諸天魔作障礙者退散
馳走悉見行者光明彼身威德自在若居山
林及在嶮難皆悉無畏水火等災一切厄難
虎狼師子刀杖枷鎖加是等事皆悉消滅見
者歡喜命終已後不墮惡趣當生諸佛淨妙
國土

次結地界真言印

右無名指入左無名指小指內中指入左中指頭指內左亦如之餘指並頭相柱即想印成火燄金剛杵形大指著地掣之一掣一誦至三便止隨意大小標心即成堅固地界真言曰

唵引枳里枳里二嚩日囉引二合嚩日哩三合

部唵音三合半滿馱滿馱引發吒五半音

由結此印及誦真言加持地界故下至水際如金剛座天魔及諸障者不為惱害少加功力速得成就

次結方隅金剛牆真言印

准前地界開二大指豎之側如牆形想印金剛杵形右遶身三轉標心大小即成金剛堅固之城諸佛菩薩尚不違越何況諸餘難調伏者毗那夜迦及毒蟲利牙爪者不能附近真言曰

唵引薩囉薩囉二嚩日囉引二合鉢囉二迦引

囉吽引發吒三半音

行者次應想於壇中八葉大蓮華上有師子座座上有七寶樓閣垂諸瓔珞繒綵幡蓋寶柱行列垂妙天衣周布香雲普雨雜華奏諸音樂寶餅闍伽天妙飲食摩尼為燈作此觀已而誦此偈

以我功德力 如來加持力 及以法界力 普供養而住

說此偈已次結大虛空藏智通供養印以二手合掌以二中指外相又以二頭指相拄反蹙如寶形結印成已誦真言四徧普通供養真言曰

唵引誡誡曩三去婆去嚩嚩日囉引二合斛引

由誦此真言加持故所想供養真實無異一切聖眾皆得受用次應結寶車輅印

二手內相又仰掌頭指橫相拄以二大指各捻頭指根下想七寶車輅金剛駕御寶車乘

空而去至於極樂世界誦真言三遍真言曰

唵引都嚕都嚕吽二引

由此真言印加持故七寶車輅至極樂土想如意輪觀自在菩薩及諸聖眾眷屬圍遶寶車輅至道場中虚空而住

次結請車輅印

曲五

七

准前印以大指向身撥中指即誦真言三遍

真言曰

娜麼悉底囉合三野地尾合二迦引南引怛佗引

摩多引喃二引唵嚩日囉合二嚩你野引三合羯唎

沙合二也娑嚩引二合訶三引

由此真言印加持故聖眾從本土來至道場

空中而住

次結請本尊三昧耶降至於道場印二手內

相又作拳左大拇指入掌以右大拇指向身

招之真言曰

唵引阿嚩引力迦半音阿摩車阿摩車娑嚩

引二合訶三引

由此真言印加持故菩薩不越本誓故即赴集於道場

次應辟除諸作障者結蓮華部明王馬頭觀自在菩薩真言印

二手合掌屈二頭指無名指於掌內甲相背豎開二大指左轉三市心想辟除諸作障者

一切諸魔見此印見退散馳走真言曰

唵引阿蜜哩合二觀引納幡合二嚩二吽引發吒

半音娑嚩引二合訶三引

次結上方金剛網印

准前牆印二大指捻二頭指下節誦真言三

遍頭上右轉三市便止真言曰

唵引尾娑普合二羅捺囉合二乞又二合嚩日囉

引三合半惹囉吽發吒半音

由此網印真言加持故印成金剛堅固不壞之網

次結火院密縫印

以左手掩右手背豎二大指誦真言三遍右

遶身三匝想金剛牆外火院圍遶真言曰

唵引阿三莽嚩你合二吽發吒二半音

次獻闕伽香水真言印

二手捧器想浴聖眾足誦真言三徧真言曰

曩莫三滿多沒馱引南一誡誡曩娑莽娑忙

娑嚩引二合訶

曲五

八

由獻闕伽香水故行者三業清淨洗滌煩惱垢

次當結獻蓮華座印

二手虛心合掌舒開左右無名指中指頭指

屈如微敷蓮華形在寶樓內諸聖及本尊各

坐本位眷屬圍遶了了分明誦真言三徧真

言曰

唵引迦麼擺娑嚩引二合訶

由結蓮華座印真言故行者當得十地滿足

當得金剛之座

次結普供養印

二手合掌以右押左交指即成誦真言三徧

想無量無邊塗香雲海華鬘雲海燒香雲海

飲食燈明雲海皆成清淨廣多供養普供養
真言曰

曩莫三滿多沒馱引南一薩嚩佉引欠搵娜

孽合二底娑頗合二囉四引鎗二誡誡曩劔娑嚩

引二合訶

次應誦讚歎偈

迦麼擺目佉一迦麼擺路引左娜二迦麼擺

引娑那三迦麼擺賀娑路四合迦麼擺引娑

母你五迦麼擺迦麼擺六三娑嚩七娑迦擺

麼擺八乞义合二擺娜九那麼悉帝合二

次應思惟想於身正當曾聞如滿月形光明

晃曜月上八葉蓮華上有如意寶珠如紅頰

曲五

九

梨色赫奕光明至無量世界於光明中想自

身如本尊像六臂相好起大悲心即結如意

輪根本印二手合掌二頭指屈如寶形二中

指屈相拄如蓮華葉合豎二大指即成誦根

本真言七徧想於本尊如對目前頂上散之

真言曰

曩謨囉怛曩二合怛曩二合夜引也一曩莫阿引

哩夜二合縛略引枳帝溼嚩二合囉引也二冒

引地薩怛嚩二合也三摩賀引薩怛嚩二合

也四摩賀引迦引嚩拏迦引也五怛你也二合

佉六去引唵七斫訖囉二合鞞底振多引摩拏八

麼賀引跋納銘九合嚩嚩底瑟姤十二合入嚩

二合囉阿迦囉灑二合也十吽泮吒音娑嚩二合

引訶二十

次結心印

准前根本印無名指小指外相又即成誦真

言七徧頂上散之真言曰

唵二跋娜麼二合振跋引麼拏入嚩二合囉吽二

次結心中心印

准前根本印中指外相又小指橫豎即成誦

真言七徧頂上散之真言曰

唵一縛囉娜跋納銘二合吽二

即持念珠於掌中以心中心真言加持七徧

然後持珠當心次第記數誦之至一百八徧

乃至一千八十住本尊三摩地更莫異緣了

了分明徧數了已珠安掌中頂戴安置本處

然後結根本印心印心中心三印即入三摩

地觀即觀心圓明漸舒廓周法界不見身心

成清淨法界乃至食頃從三昧出次結普供

養印獻香華等及闍伽水讚歎發願即結火

院結界印頭上左轉一徧即成解界

次結車輅印向外撥之次結迎請印向外撥

之次結護身印印五處已次結三部印任意

經行讀誦大乘經典迴助心中所求上中下

悉地行者若能日日三時依此念誦罪障消

滅得大智慧三昧成就本尊現前能獲功德

如經所述

十末

觀自在菩薩如意輪念誦儀軌一 曲五